

بویوک مجسمه

نومبر

۱۰ غر و شدر

مختبره کونلری چقار ادبی و علمی مجموعه در -
اداره خاتمی : جمال اوغلنده اجتهاد اوئده
نومبر : ۱
[مدیر و امتیاز صاحبی م . زکریا]

نومبر

۵

هفته مصاحبه بی

معارفده اصوات رارمه ...

اصلاحات ... بواویدر کله که آرتیق خلق بوکله بی ایشتمکدن بیقمشدر . اون سنده نبری بوتون بوکله بی سپر یابارق نه قدر ییقمق لازم کلیرسه ییقدق . مؤسسانی ، اداره بی ، قانون و نظامنامه لری یازار بوزار تحته سینه جور دک ... برناظرک یایدیغی اون که ناظر ییقدی . بروالینک اصلاحات و اعمارات نامنه ییقدیغی اولری اون که والی بکنمدی ، اوده دیگر اولری ییقدی . اصلاحات نامنه خوشمه کیتمین مأمورلری عزل ایتدک ، یکیلرینی کتیردک .. دیگرلری ده اولری عزل ایتدی . باشقلرینی کتیردی . اصلاحاتدرکه ملنک حقوق ملکیه سی ، حقوق شخصیه سی آیاقلر آلتنه آلفه سب اولدی . اصلاحاتدرکه مأمورلرک حیات و معیشتی ایله اوینامق حق بزه ویردی . شیمدی نه اصلاحات وار . چونکه عزمکار وکنج ناظرلرکلیدلر ... بریکیلک یایق ایستورلر . فقط اونلردن بالخاصه معارف ناظر محترمندن بررجاض وار .. آرتیق ملت اصلاحات دکل ؛ برپارچا استقرار ایستور . بونی کج ، مینی مینی یاورولریغز ، طلبه ضده ایستور . اونلرده ییقد . یلر ... زوالیلر دون بودرسی اووقودیلر ، بوکون اونی قالد بزیوروز ... دون برشی اوکرتدک ، بوکون اونی لزومسز کوروزوروز . آرتیق یاورو- لر عزمده طلبه ضده نری سرسلکدن قورناویکز ، نه اووقوداجسه کز ، نه اووقویاجسه ق سوبلیکیز دیورلر .

اصلاحاتدرکه برخاصه وار . خاطرلرینه کلن و برحله ده تطبیق ایدیلر بیلرک اولان فکرلری هپ کندی محصوللری ظن ایدرلر . اصلاحات- تحمیلرک وصف اساسیسی ، کندیلرندن اول یاپیلان شیلری ، دوشونولن فکر و غایه لری اوکره- نمکه لزوم کورمه مک ، هرشیی یکیدن یاپیور ، یکیدن دوشونوبور کوزوککدر . معارف ناظر محترمی غلطه سرای سلطانیه سی کی سلطانلر آچا- جقمش ؛ غزته لک نشریاتندن اوکرتدک .. اصلاله افندی ده غلطه سرای کی سلطان یایق

ایچون اون ولاغزده کی اعدادی بی سلطانیه تحویل ایتدی . عبدالرحمن شرف بکده ، قاضی کوی و نشاناتاشی نمونه لری غلطه سرای کی یایق ایچون آجدی . شکری بکده بوغونه لری غلطه سرایه بکرتک ایچون سلطانیه تحویل ایتدی . نه اولدی ، غلطه سرای اولدیغی ؟ اولامادیه سبی نه ؟ ... دها دون غلطه سرای یایق عزمیه آجدیغز قاضی کوی سلطانیه سینه برنا بولقدن و برلشدیرمکدن عاجز اولدیغز میدانده ایکن ایسته دیکمز زمان ایسته دیکمز کی غلطه سرایلر یارادا بیلیر یز ؟ ذاتاً اول امرده سلطانینک غایه سی نه در ؛ غلطه سرایک بواعبارله ضری و قیصه سی نه لدر ؟ . شیمدی نه قدر غلطه سرایک ملکته خدمتی نه اولدی ، بونک سبی نه در ؛ بوجهنلر تدقیقه دکزی ؟ . بونلر تدقیق ایدلرکسزین غلطه سرای آجوروز دیه آجایغز مؤسسه لر عقامته محکوم اولمازی ؟ بزده اصلاحات املنک کو کی علم و تجربه دکل ؛ هر هانکی بر سیدله قافا ضده بر ایدن بسیط و مجرد بر فکرور . اصلاحاتچیلرک خاصه لرندن بریده تجربه اهمیت و برمه مکدر . اصلاحاتچیلر- یزک اک حاکم ذهنیتی کندیلرندن اولکیلرک دوشونوجله لری ، غایه لری نظره آلماقدر . اصلاحاتچیلرک تاریخله ، تدقیقه علاقه سی بو قدر . کندیلرندن اولکیلرک فکرلری هپ فشا کورن اصلاحاتچیلرک کندیلرینک سفلرندن دها بی دوشوندکلری ، یاباقلری شیثک دها ای تجربه و بره جکنی عجباً نره دن استدلال ایدیورلر ؟ اصلاحاتچیلرک ذهنیتی کوکنی (Do not know) دن آلیر . ناصیل دوغما تیکلر تصورلرینه عقاید دینه کی اینا بولر ، تجربه ایله توثیقه ، مناقشه یه لزوم کورمزلرسه ، اصلاحاتچیلرکده تطبیق ایده- جکلری فکرک ایی نتیجه و بره جکندن قطعاً شبهه ایتزلر . اونلر کندی سفلرندن دها ایی دوشوندکلرینه ، دها ایی یاباقلرینه قطعاً امیندورلر . دوغما قیزم ناصیل برضالات ذهنیه ایسه اصلاحاتچیلرکده شبهه یه التفات اتمکی بیلمین ، تجربه یه لزوم کورمین برضالات عملیه در .

اصلاحاتچیلرک مجبولدرلر . وقایع تعقیب ایتکه تزل ایتزلر ؛ اختصاصه لزوم کورمزلر . بر

اصلاحاتچیلرک بوکون عدلیه ، یارب مالیه ، ایرته سی کونی حربیه ایشلرینه مأمور ایدیکز ، هربرده بیقاجق شی کورور ، هپسندنه کندیه سی ایچون یاباقلر ایش بولور . امید ایدم که معارفک اصلاحات نامنه یاباقلر ایشده بویله بر ذهنیتک مولودی اولماسین ...

معارف ناظری ک افندیدن شو نقطه لری اونو تماملری رجا ایده جکر معارف مسئله سی برکلدر . معارفک هر درجه سی دیگرینه شدنه صربوطدر . معارفک هر درجه سنده حرکت اولمیدر که ملکته عرقای یوکسله بیلین . بناءً علیه (بن سلطانلری اصلاح ایده جکم . بونک ایچون ابتدائیلر باقیه جنم دارالفنون اولدیر جکم) طرزنده بر معارف پروغرای اولاماز . دارالمعلمین حالیه ، یعنی بوکونکی شکلی ایله دارالفنون اصلاح ایدلرکجه سلطانلر اصلاح اولوناماز ؛ دارالفنون اولمادقجه ، دارالمعلمین ، ابتدائیلرله رلییه ض- دارالمعلمین ابتدائیلر اولمادقجه تحصیل ابتدائی ایدرلییه ض- تحصیل ابتدائی تعیم ایتدیکجه ملکته معارف یوکسله ض- بوکون سلطانلر معلمسزدر ، دارالفنون تحصیل سکتیه اوغرایجه هیچ بر ناظرک عزم و اراده سی سلطانلرله معلم بولغه کفایت ایده میه جکدر . سلطانلرک معملکی یالکز بریلکی مسئله سی دکلدر ، برمسک ایشیدر . بویله معلملری الحق دارالفنون یتیشدیر جکدر . معارف نظارتی اشغال ایدن ذوات ، علی الاطلاق معارف تشکیلاتی حقنده حکم ویر- بیلک ایچون حسن سلیمک کفایت ایتیه جکنی بونک ایچون آیری بر علم و اختصاصه احتیاج اولدیغی تسلیم ایلیدرلر . کلوب یکن ناظرلر اکثریتله برتورلو بوحقیقی ادراک ایده میورلر . برذات معلم اولور ، ایی بر تاریخ سیاسی معلمی حتی ایی بر غزته سی اولایلیر . فقط بونلر معارف مسئله سنده حاکم اولغه کفایت ایتز . معارف و تربیه مسئله سی ده باشلی باشنه بر علمدر . آبرجه تدقیقه ، آبرجه تنبعه ، بالخاصه تجربه یه مقتدرور . بر ملکته معارف کلشی کوزل حسن سلیم و اجتهاداته تابع طوتیلاماز . بر معارف ناظرینک اک بویوک درای بو خصوصنده کی متخصصلری

بولارق اولارک مطالعه سندن استفاده ایکی
بیله بیلمسنددر .

معارف ناظری بک افندی شورایی اونوما.
ملیکه هر هانکی بردرسی دارالفنونن قالدبربر.
کن مملکتده اولمک تأسسنده قطعیاً مانع
اولویورلر. چونکه تجربه ایله ثابتدرکه مملکتیزده
برعلم مکتبلره کیرنجه مملکتده کیره بیلور .
مکتب ملکیه ده اقتصاد اوقوغه باشلادقدن
صوکرا برقاچ اقتصاد کتابی یازیلدی. صرادبک
صرحوم مکتب ملکیه ده تاریخ عمومی اوقوتدینی
ایچون کتابی یازیلدی. فلسفه درسلی مکتبلره
کیردکن صوکرا تورکجه برقاچ فلسفه وروحیات
کتابی یازیلدی . بولری قالدبردیقمز تقدیرده
زوالی مملکتیزه ضرراقاع اتمش اولمازیبز؟
بیلمیورم ، بر ناظر ناصیل اولویورده
کندنده دارالفنونک هر هانکی بردرسی لزومی،
دیگری لزومسز عدایمک جسارتی کوریور ،
ناصیل اولویورده اوابنه صورقمسزین دارالفنونده
تشکیلات یاغنه قالیور؟ فقط بوندن دهامهی،
دارالفنون علم یریدر، علم وتدریسات ایشلرنده
نظارتک مداخلسنی قبول ایدمه یز دیه شیمدی به
قدر فریاد قوپاران مدرس ومعلملر، عجباً شیمدی
ناصیل سکوت ایدیور ، علم ذهنتته اداره
ماصه سندن ایندیریلن ضربه به ناصیل تحمل
ایدیورلر ؟

ایشیدییورزک معارف ناظری شیمدی به
قدر نه سلطان حمید نه اتحاد وترقی ناظرلرنک
طوقوغه جسارت ایدمه دکلی طیبیه قطعی
بر ضربه ایندیرمک ایستیمورمش، ایشیدییورزک
معنوی انقلابلرنک ایلک منبئی اولان بومؤسسه ده
دوغان ملت فکرنی قطعی برصورتده اولدیرمک
ایچون الک متمر چاره آرانیمورمش . بز بو
خصوصده ایشیدکلیمزه حقیقت نظریله باقی ایسته .
میورزم معارف ناظری بکدن یالکز برشی رجاییدوز:
طیبیه اجنبی لسانله تدریسات اجرا ایدیلرکن
طلبه موجودیه نظراً تورک طلبه نك عددی نه
مقدارده ایدی؟ تدریسات تورکجه اولمغه باشلانجه
بو مقدار قاچه بالغ اولدی ؟ لطفاً تدقیق
بویورسونلر، اولدن صوکرا اللرنی وجدانلرنک
اوزینه قویقدن وبر دقیقه منسوب اولدقلری
ملتی دوشوندکن صوکرا قرار ویرسینلر ،



دارالفنونه اصوموهای و طیبیه

صوک زمانلرده فکری حیاتی الک زیاده اشغال ایدن
حادثه ، معارف ناظری علی کال پکک معارفده اجراسته باشلا-
دیغی اصلاحات اولمشدر . دارالفنوندن باشلایان بو اصلاحات
تالی وابتدائی تدریساته قدر تشمیل ایدله چک و معارف یکی
اساس اوزرینه قورولاجدیر . مملکتیزک فکری حیاتیته
مهم بر صارضینی یاچه چق اولان بو حرکت دقتله تعمیه
شایان بر حادثه در . اصلاحاتدن صوکرا تدریساته وبریک
ایسته تیلن شکل حقنده کی فکرلرنی آریجه سرد ایدمکمز
بدینی اولمغه برابر ، بوکون الک زیادن دارالفنونده یاسیلان
اصلاحاتله مشغول اولاجمیز . بو اصلاحاتدن بالخاصه طیبیه نك پک
زیاده متأثر اولاجینی، اورده شیمدی به قدر تورکجه یاسیلان
تدریساتک شیمدن صوکرا فرانسوزجه اجرا ایدله چکی ، معلملرنک
ده قرائنه دن جلب ایدله چکی خبر ویریلور . مدنیت عالمه
افتخارله کوستره بیله چکمز یکنه ملی عرفان مؤسسه من اولان
طیبیه نك بوجیم عاقبتیه معروض قالماسدن متأثر اولماه چق
بر فرد تصور ایدمه میورز . بویاده کی مطالعاتی کله چک نسخه-
به تأخیر ایدهرک ، شیمدیمک مکتبک الک کزیده معلملردن
ومملکتیزک معروف دوقتورلردن اسد پاشانک فکرمطالعه
لرنی نقل ایله اکتفا ایدمکمز :



پاشا
—
حضرتلری ،
طیبیه ده تدر .
یسانک فرانسوز-
جه یابلسی
ومعلملرنک
فرانسه دن کتیر
تلمی موضوع
بحث اولور .
بویاده فکر-
یکزی اوکره نه
بیلمیورم ؟

مکتب طیبیه معلملردن اسد پاشا
— طب
فا کولته سی محمود عدلی زماننده تأسیس
ایدلمشدر . بدایتده تدریسات فرانسوزجه
اولارق اجرا ایدلش وبوشکل الی سنه مدت
دوام ایتشدی . بالاخره بایسنک غایت عالی اولان
آرزوسنه موافق اولارق تورکجه تدریسات امکافی
حاصل اولدی . الی سنه به یاقین برمدندن بری ده
تدریسات تورکجه اولارق یابیلور . تدریسات
فرانسوزجه اولدینی مدعیه طلبه نك اکثریسی
غیر مسلملردن صرکب ایکن ، تورکجه تدریساته
باشلانجه تورک طلبه نك عددی ده شایان دقت
برصورتده تزیایدتمشدر . طیبیه تورکجه تدریسات
یایدقدن صوکرا ده ، مملکتیزک بحق افتخار
ایدله چکی کزیده سیار یتیشدبرمش وبوصورتله
مملکتیه نهایتسز خدمتله ایفا ایلمشدر . هر شکل
وصورتله ملیله شمش اولان بومؤسسه عرفانک بوکون
فرانسوزلاشدیریلق ایسته نه سندن کی حکمتی
آکلامیورم . چونکه بویله برنشبت طب فا کو-
لته سنک هر صورتله محوی انتاج ایدمکجه قائم .
— عجباً پاشا حضرتلری ، تورکجه تدریسات ،
علمک بوتون ایجابلرنی قاورامغه مساعد ایدیویورم ؟

یعنی تورکجه تدریسات ایله علمه برضرر حاصل
اولمشیدر ؟

— طب فا کولته سندن کی تدریسات تورکجه
یابیلمغه باشلانیدیندن بری نشأت ایدن دوقتورلرک
کیفیت وکمیتی ایله فرانسوزجه تدریسات اثناسنده
نیشن دوقتورلرک کیت وکیفیتی آراسنده کی
مقایسه ، بوخصوصده بزه واضح بر فکر ویریه بیلیر .
— پاشا حضرتلری عجباً فا کولته نك معلملری ،
بوکونک احتیاج علمینسی تطمین ایدمه بیله چک قابلیتی
حائر دکلیدرلرک بویله برتبدله لزوم کورولیور ؟
— طب فا کولته سنک بوکونکی معلملری ،
بحق وظیفه تدریسه لرنی ایفایه مقتدر ذواندن
صرکدیر . بوکونه قدر یتیشمش اولان کنج
تورک اطبا سنک وجودلری برر شاهد ذی حیاتدر .
معلملرک هر بری کندی شعبه لرنده اختصاص
صاحبی کیمسه لردر . حتی بو متخصصلر ، آوروپاچه ده
معروفدر . بر جوقلری فنی کشفلری ایله ، فن
عالمه کندیلرنی طانتدیرمشر وبوصورتله تورکک
اوروپا نظرندن کی قیمتی بوکسه لیشلردر .

— اوروپادق بزم معلملرنک یرینه قائم
اوله بیله چک معلم کتیرمک ممکنیدر ؟
— دنیاده امکالنسز هیچ بوشی یوقدر .
اوروپادن معلم طلب ایدله بیلیر . آنحق بو ، بر
احتیاجه مسند اولتی وباحتیاج صاحب صلاحیت
اولان طب فا کولته سی مجلس معلمینی طرفندن
تصدیق اولونق اقتضا ایدهر . شوراسنیده علاوه
ایدیم که ، اوروپانک برنجی حتی ایکنجه
درجه ده کی متخصصلری مملکتلرنی ترک اتمز ،
اوچونجه دردنجی درجه ده اولوبده بورایه
کله بیله چک معلملر بزم ویردیکمز معاشله
اکتفا ایدمه من . اولجه سبق ایدن تجربه لر بو
خصوصک حزیته ملته پک بهالی اولوردینگی
کوسترمشدر . شونی ده بالاتفاخر سوبلیه بیلیم که
بو اوچونجه دردنجی درجه ده معلملر ، بزم
بوراده کی تورک دوقتورلرنه هیچ برصورتله
فاق دکلدلر .

— تدریساتک فرانسوزجه اولماسنده نه
محذور کوریویورسکز ؟
— ایکی محذور واردر :

برنجی محذور تورک کنجیلرنک مکتبدن
صوغومالرنی انتاج ایتسی اولاجقدر . نه کم ،
یوقاریده ذکر ایتدیکم وجهله فرانسوزجه تدریسات
اثناسنده اطبانک یوزده بیکرمیسی تورک یوزده سکسانی
هناصر سائرهن اولدینی کی کیفیت اعتباریلده ده
تورکلر او وقت مادونده قالمشدی . تدریسات
تورکجه به انقلاب ایتدکن صوکرا بونتیجه برعکس
اولدی شیمدی ده تدریسات فکرار فرانسوزجه به
انقلاب ایدنجه اسکسی نتیجه نك حاصل اولاجفنه
شبهه یوقدر . بویسه تورکک ایچون تلافیسی ممکن
اولمایان بر ضربه در

ایکنجه محذور ، شیمدی طب فا کولته سی
برتورک مکتبیدر . تدریسات فرانسوزجه به تحویل
ایدیلر سه یروتده کی مکتبلرک حالی اکتساب ایدره ک
کسوة ملتدن تجرد ایدمکمز .